

牛馬受噴之地亦可用此符埋於地上去穢召祥也

若設醮謝亦有輕重量力建設不可強為隨其力也謝罪悃悃務在簡實首罪不可祈福若醮位先以雷神為尊次以水府蓬萊岳瀆及三界城隍社令之神凡書符可用黃絹黃紙鐵梓木皆可鎮宅庭以召和氣吉祥也夫人病重若頭腦心脇刺痛至危不可忍者或日輕夜重眼角仰天又見火電光或見青衣神吏心中憂懼其神魂亦被雷神考責如心脇痛甚必有天篆在。身上可具狀投法官以法顯之悔省罪愆即得痊愈如有隱諱不伏天憲不修齋首罪不信教法不投法官以謝罪犯以顯天書則天篆入人骨髓必致死矣永沉天獄萬罪難原太上好生惡殺故傳秘典于世欲人改過修善皈崇大道忠信好義以正其身毋生誚曲毋肆奸邪母起貪嗔母生妄念故雷經云知過必改如日月之暫蝕過而知悟如日月之明矣既改過而復能

作善者如水之澄濁成清而轉罪為福也禁戒至重可敬慎之此法秘于紫微上宮不傳下士偶天運劫周人多業障而雷霆稟今誅罰不已故出示于世以廣好生云道法會元卷之七十四



道法會元卷之七十五

天書雷篆下

雷噴意

惡者淺俗愚夫未材下士承乾坤之覆壽荷雨露之生成二善全無千愆實有自慚愚昧罔或肯陳伏念某家下某偶於某日忽蒙上天譴怒雷令誅夷魂散魄飛屍留田野深慮某爰從先世乃至今生或怨天地裸露三光浴暑嫌寒拋擲五穀不忠不孝不義不仁起意用心虧他利己千般罪戾萬種過尤致犯上天何逃譴戡匪伸首露為釋冥愆伏願上天息怒雷部停威赦萬種之過尤錫千祥之福祉仰希大造曲賜洪麻

贖屍牒

雷雲都司 牒 當境社令正神

本司既奉來詞豈容抑塞除已具聞

三界遍達雷部合屬真司外合行備牒贖

屍安埋者

牒具如前請

詳事理遵承法令務在必行發放屍骸許令

安厝免致穢汚天地冒觸三光少傳天令之威暫息震驚之怒仍祈神馭同賜證明幸準明科毋或稽悞故牒

太歲 年 月 日牒

具位

雷神牒

雷霆都司 牒 雷部官君帥將

同前意伏乞告命所司疾速施行明顯印篆即速感通仍建醮功以伸告謝須至專

牒者

牒具如前請

詳事理頒行威令普告雷霆即使亡過某宥愆頓釋罪戾獨除原下民過誤之愆廣上帝好生之德更希

神造俯格醮誠謹牒

太歲 年 月 日牒

具位

九天雷祖大帝奏狀

具位臣姓某 再拜上 奏入意願至奏

聞者

右臣謹具狀上奏

九天雷祖大帝 前恭望

天慈允茲所懇告下三元考校司九天採訪司天曹雷部照應今來某為某首罪事理特

為轉

大造回生之心證明卑請赦前世今生之過許以自新少息雷威宥原天譴仰祈

洪造俯鑒醮儀臣干冒

天威激切之至謹狀

太歲 年 月 日具位臣姓某狀奏

昊天表狀

具位臣姓某 再拜

上言臣謹據入意造作過惡觸犯

天廷雷部誅罰欲乞安厝未行檢驗投臣

看詳罪犯未敢擅專先具狀上奏

聞者

右臣謹具狀上奏

昊天至尊金闕玉皇上帝 玉陛下 恭望

天慈允臣所奏伏乞

救首告下雷司明顯印篆俾臣看詳速獲顯現庶使凡愚咸皆信悟臣恭就行壇拱俟昭報臣干冒

天威下情無任激切屏營之至謹奏

太歲 年 月 日具位臣姓某狀奏

昊天表式

具位臣姓某誠惶誠恐稽首頓首再拜

上言重念某末學道淺自慚仙品之未克

凡質材疎深慮已愆而莫首一誠伏地再

拜瞻

天臣誠惶誠恐稽首頓首恭惟

昊天至尊金闕玉皇上帝 玉陛下

德毓純乾量包大有光明廓落達蕤蕤妙

有之庭清靜虛靈藏寂寂無宗之真建大

功於德劫積元化於諸天日月星辰麗其

明風雨雷電惟其令高高在上蕩蕩無名

功德難量讚揚莫益臣仰蒙道蔭冒領玄

科既奉來詞理宜懇請臣奏據某生居中

土忝處人倫受屢為氓造業莫悟或因屠

宰而貪殘妄殺或作牙僧而秤斗未平或

奉父母而孝養未專或居隣里而呪詛興禍或住居陰陽不正或時序風雨怨訶作機業以謀生居壟斷而罔利欺侮神聖觸穢乾坤自積愆尤罔明懺謝致天威之警戒加雷令以伸嚴一家驚怖無門萬種愆尤難道敬于教法虔露衷忱是取某日被嚴蝸宇奉命羽流披閱琅函拜朝實懺懺陳菲供醮謝衆真懺塵劫之愆尤解多生之業障仰冀大慈普濟一視同仁鑒察忱恂曲赦原於罪咎庶幾民子獲保命以全生倘副卑情永依大化臣末再拜謹言

太歲 年 月 日 具位 臣 姓 某 上言

補謝雷神牒

雷霆都司

據鄉貫入意切慮某或風生之積咎或見世之為非或歲時焉雨呵風或住居陰陽不利侮慢神聖觸穢三光起意用心虧他利已千般罪戾萬種過尤致使雷令嚴加眷屬惶懼弗伸首露為速清寧是以皮瀝丹衷謹消今月某日具詞投告

雷壇丐求補謝本司領誠虔恪除已備錄詞情具奏

上帝申聞師省過牒三界真司依科修奉周隆外再惟雷部官衆奉行

上帝敕命施令人間警戒下愚神功昭著今來法事周圓諸天迴馭為此所合備牒

補謝雷威即希威格仍與信士某家春等原赦宿生今世故犯誤為一切罪咎咸與

自新少息雷威母加天譴導迎和氣以降吉祥改禍成祥變凶為吉庶幾因之感格

嚴道法之恢弘上廣大道好生下副小民祈請須至專牒補謝者

右牒具如前事補謝雷部官君帥將牒準

金科玉格奉行謹牒

太歲 年 月 日 牒 具位

雷霆謝過設醮儀

各禮師存念如法

元始正真 五雷高尊 上帝降命 洞明八門

太華皓映 無幽不聞 上統九天 中制艸山下領河海 十二河源 八威神呪 靈冊玉文

召龍負水 收悉聚煙 吏魔送鬼 所誅無獨日月五星 北斗七元 諸天諸地 諸水諸山

至真所部 溪冷大神 仙王遊冥 五帝仗權

天丁前驅 金虎後奔 鑣天猛獸 羅布四門

所呼立至 所召立前 赤書煥落 風火無間

攝龍應命 金龍驛傳

鳴法鼓二十四通

無上三天玄元始三炁太上老君召出臣等身中三五功曹左右官使者侍香金童傳言

散花玉女五帝直符直日香官各三十二人出出者嚴裝闌啓此間土地里域正神臣今

正爾設醮祭酒拜表燒香謹奏為入意其諸情悃具載表文願得

太上十方正真生炁下降流入臣等身中令臣所啓之誠速達徑御

至真無極大道昊天玉皇上帝御前

華夏讚 各稱法位

具位姓某與臨壇法衆等謹同誠上啓

太上無極大道玉清聖境元始天尊上清真境靈寶天尊太清仙境道德天尊金闕至尊太上昊天玉皇上帝紫微上宮天皇上帝紫微中宮北極大帝承天效法厚德光大后土皇地祇高上神霄玉清真王長生大帝高上神霄玉清王判府青華大帝九天應元雷聲普化天尊九天雷祖大帝上清紫微碧玉宮太一天帝六天洞淵大帝六波天主帝君可韓司丈人真君九天採訪使應元保運真君梵炁九天上帝三十二天帝君五方五老上帝十極十華天君上清十一列曜星皇君南斗六司星君北斗七元星君天罡大聖節度星君諸天上聖瓊闕高真三元三官大帝三元考校神仙北極四聖真君泰玄樞機三省上相使相真君雷霆九司列職真君九天朝元官衆天曹列職威靈太上經符法錄中官童將吏法部諸司官將吏兵雷霆主帥欽火律令大神鄧天君雷霆猛吏銀牙擢目辛天君雷霆飛捷報應使者張天君五雷天醫

陶使者王府主帥九陽上將蒼牙鐵面劉天君亞副閻寧任三大元帥雷門左右伐魔使荀畢二大元帥九天雷公將軍五方雷公將軍八方雲雷將軍五方變雷使者雷部總兵使者莫賺判官糾錄廉訪典者掠刺積速幽

枉報應四司大夫先天十五變雷使者雷公電母風伯雨師神君雷霆一府二院三司主宰威靈雷部官屬執職萬神三天門下主執威靈上界雲官星府真仙聖衆五嶽五天聖帝嶽府威靈天下名山大川洞天福地靖虛治化得道神仙中界主權聖衆水府樽桑大帝水府校籍真仙北陰酆都玄天大帝幽都主者直年太歲至德神君四季掌風雲雷雨電五部造化神祇天下都大城隍之神某州分野社令司烈雷主者本屬府縣城隍之神當境廟貌威烈神祇三界符使四直功曹行風布雨龍神直壇官將土地司命六神家奉香火聖衆虛空下降鑒察感應威靈恭望洪慈洞回淵鑒伏聞天道好生惡則震威而警惡人心懷懼凜然悔過以知非忽蒙示誠之

嚴自訟首愆之切瀆焚香鼎敬演雷電仰冀仙仗迂臨雲車泛景下空洞虛無之表鑒勸奉備屢之恭仰望碧霄祇迎聖駕巨與醮士等謹稽首再拜奉請

降聖

伏以天耳目以非逸言如響答雷威聲之可畏敬則怒消想靈旗扈聖而來瞻法駕浮空而至矜憐懇切釋赦愆非諸聖迂臨香茶奉獻

舉步虛宣表

請稱法位

具位姓某與醮士法衆等謹同誠上啓
三清上聖十極瓊真神霄九宸雷霆列聖懸慈真宰合座威靈恭望天慈俯垂省覽且聞上帝無私實天網恢恢而不失下民有過在雷經事事以雷誅茲略述以進聞欲縷言而恐瀆天地之大猶有憾風雨之愆人或咨拋擲五穀以為常觸穢三光而靡覺悖父母味劬勞之德對鬼神志恭敬之心用秤尺以非公置斗升而平等罪深累世善之纖毫致司

命之繩愆激靈靈之鼓怒警戒莫大乎是悔
悟痛省其非且拜且祈不敢不告伏願魂安
魄定免驚暴燕之翻身奉命魁早助河龍之
起深漸過望全仗包容冒瀆尊嚴酒陳初獻

舉步虛散花

重稱法位

臣等謹重誠上啓

九清帝御四府真仙雷部威靈懸筵衆聖

伏聞位列五方名號稱於五帝身遊三界命

上未於三天嗚手雖曰有時聞者奈何不敬

每讀大訓格言之炳若乃知前朝往事之昭

然德若姚虞可試弗迷之驗聖如尼父尚懷

必變之因或流言技木以恐周或方食失筋

而警蜀矧塵世動多過咎在天理實切震驚

伏念其愚而無知罪不容赦非敢謂小懲而

大誠其實為重禍以深憂過道侶以奏忱詞

叩帝尊而回化筆伏願嚴威外示生意中存

德乃宣揚先甲折勾萌之象刑焉明罰息夜

號畫舞之妖過此以還吉無不利 臣與醮士

等謹稽首再拜酒陳亞獻

舉步虛

臣等謹同誠上啓

三境高真十方衆聖懸筵列位雷府官君

再聞隱隱微欲音孰不畏天雷之動善善惡

惡真能逃電目之明故威嚴每務於行誅肆

印篆惟彰於禍福銷篤咎而微恩滅罪定三

事而返得延年俾下愚懷悔悟之心願上帝

有好生之德令其深加恐懼盡改修為常思

斧鉞之嚴不越準繩之外伏願真靈寬宥俾

消彌天違罪之原宅舍鎮寧息裂石鎔金之

勢然後恩霑雨露會際風雲溉灌身田降真

元於上境樛轟命宇樂化育於明時廣施除

害之功誕布撥雲之澤臣與醮士法衆等百

拜威嚴酒陳終獻

舉法事

宣疏

臣聞霹靂一聲奉

蒼穹而罰惡勤奉三獻屈諸聖以投誠神尊

嚴而未必敢輕人卑賤而將何寓敬塵言縷

縷無非悔罪之詞大德恢恢曲賜矜從之念

聽蓮漏屢催於銀箭愧羣門久駐於瓊輿拜

而送之難挽威靈之久竊有請也滿祈福祉
之增稽首皈依奉辭仙駕

送聖 復壇

香官使者左右龍虎君侍者諸靈官當令臣

向來設醮拜表祭酒之所自然生金液丹碧

芝英百靈衆真交會在此香火爐前當願凡

誠上達恩賜下頒宿業蠲消慶祥駢集十方

仙童玉女接侍者煙傳臣向來所啓之誠速

達徑御

至真無極大道

三清上聖

昊天金闕玉皇上帝 仰前

焚燎頌 向來

回向

道法會元卷之七十五